



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Secunda ejusdem Propositio.

urn:nbn:de:hbz:466:1-40853

Quod si possint actus à nobis eliciti malitiam pñna æternā plectendam contrahere , ex eo quod ab Adami peccato causam & ortum habuerint, cur etiam per amentiam, cæcitatem, & alias hujusmodi affectiones necessarias , peccati reatum non incurrimus, cum hæ quoque à pri-
ni parentis delicto in nos profluxerint?

Quinimo si responsum illud aliquid veritatis haberet, inde pariter conficerem, peccata homi-
nis Baptizati omni prorsus culpā carere. Cum enim , ut aiunt , suam libertatem ac formalem
malitiam ea non habeant , nisi ut conjuncta
cum peccato Adami , sublato jam in nobis per
Baptismum primi parentis peccato, non posint
actus nostri , quibus præcepta transgredimur ,
formalem malitiam retinere , aut pñna à Deo
justè infligendæ reatum incurrire. Denique si
actus illi alienā tantum libertate malitiam con-
traherent, nequidem poterunt à Deo sub reatu
pñna æternæ hominibus prohiberi , sic enim in
statu naturæ lapsæ homini imperare non potest
ut careat concupiscentiâ , quamvis in Adamo
liberum fuerit non peccando concupiscentiæ
fomitem à posteris summovere. Ex quibus bre-
viter, satis tamen manifestè apparet, hanc doc-
trinam ab Ecclesia merito proscriptam , nullâ
veritatis specie defendi.

Secunda Propositio.

Interiori gratia in statu naturæ lapse nunquam resi-
bitur. Jansen. Tom. 3. lib. 2. cap. 5. col. 103.
Nullum, inquit, adjutorium gratie, cuius usus ita poni-
tur in arbitrio voluntatis, ut illo utatur aut non matur,
ut illud amplectatur aut deserat , aut illi consentiat aut
non consentiat si voluerit , ad medicinale adjutorium

I 3

Christi

Christi ullo modo pertinere potest. Idem patet ex cod. lib. cap. 24. col. 200. cap. 25. col. 202. & cap. 27. col. 210. Hanc propositionem Innoc. X. & Alexander VII. hæreticam declaravit, & ita talem damnavit.

Repugnat illa primò testimoniiis Scripturarum, quæ docent hominem resistere vocationi divinæ, & sapienter hortantur ut acceptæ gratiae cooperetur: quod frustraneum foret, si gratia per se voluntatem humanam ad consensum ira raperet, ut nunquam ei dissentiendo resisteret. Sic autem loquitur Scriptura Proverb. 1. v. 24. *Vocavi & renuisti, extendi manum meam, & non erat qui asperceret.* Et Matth. 20. v. 16. *Multi sunt vocati, pauci vero electi:* Item Matth. 23. v. 37. *Quoties volui congregare filios tuos, quemadmodum gallina congregat pullos suos sub alas,* & noluisti. Et Actor 7. v. 51. *Vos semper Spiritui Sancto resistitis.* Denique 2. ad Corinth. 6. v. 1. *Exhortamur ne in vacuum gratiam Dei recipiatis.* An non otiosa hæc ad gratiam recipiendam exhortatio, an non iniqua in resistentes exprobratio, si talis esset natura gratiæ divinæ ut à nulla possit voluntate repudiari?

Jam verò inspiciamus de hoc dogmate quis fuerit primævæ Ecclesiæ sensus, ac imprimis S. Augustini lib. de Spir. & litt. cap. 34. *Misericordia Dei prævenit nos, contine autem vocationi Dei aut ab ea dissentire, nostræ voluntatis est.* Eodem modo vim illam voluntatis, in repellenda gratia vocationis divinæ, exponit in Evangelio de vocatis ad nuptias, quorum aliqui noluerunt Christo vocanti obtemperare: *Ad illam canam;* inquit, *nec omnes qui vocati sunt venire voluerunt, neque illi qui venerant venire possent nisi vocarentur:* itaque nec illi debent sibi tribuere qui venerunt, nec illi qui

qui noluerunt venire, debent alteri tribuere, sed tantum sibi, Qui ut VENIRENT VOCATI, ERAT IN LIBERA VOLUNTATE. S. Augustino testis accedat ejusdem Doctoris & ævi discipulus S. Prosper Lib. 2. de vocat. Gent. cap. 26. Voluntas de sua habet mutabilitatem si deficit, de gratia vero opitulatione si proficit: Et quod à multis refutatur gratia, ipsorum est nequitia, quod à multis recipitur, gratia divina est, & voluntatis humana.

Perpetuum hunc Ecclesiæ sensum veneratur Tridentina Synodus, & oppositum contra Sectarios nostri temporis sub anathemate proscriptum Seff. 6. Can. 4. Si quis dixerit liberum hominis arbitrium à Deo motum & excitatum.... non posse disfendere, anathema sit. Nec minus aperte Seff. eadem cap. 5. Tangente Deo cor hominis... inspiracionem illam recipiens, abiicere potest. Eodem veritatis spiritu afflatum idem enunciat Concil. Senonense anno 1528. Decreto fidei 15. Non est tale trahentis gratia auxilium, cui resisti non possit.

Si quæ igitur vis divini eloquiis, si quæ veritas Sanctis Ecclesiæ Patribus, & Conciliis, ex his manifestum evadit, hanc esse doctrinam omni ævo in Ecclesia Christi comprobata: adeo ut quisquis adhuc veritati fidei tam luculentæ repugnat, hoc ipso satis ostendat, se divinae gratiae posse resistere.

Quibus vero modis & argumentis quidam moliantur huic veritati obfistere, & in operibus gratiae voluntatem humanam ineluctabili necessitatibus subiictere, in propositionis 3. refutatione ubi agitur de libertate ad meritum requisita, mox aperiemus.